

CUSSEGL GROND

Sessiun d'october 2022

Dumonda Furger concernent il consum dad e-cigarettas en las scolas popularas

Ils 5 d'october passà ha la RSI mussà – en il rom da sia emissiun «Il Quotidiano» – ina contribuziun interessanta davart il consum dad e-cigarettas.

Tenor las decleraziuns dal directur dal stgalim superiur da Mendrisio s'augmenta il consum da vapes.

Quest gener dad e-cigarettas da la tschintgavla generaziun (i sa tracta dad e-cigarettas che vegnan utilisadas mo ina giada e ch'èn pia er fitg engrevgiantas per l'ambient) è pli discret che quel dal tip vegl.

Questas e-cigarettas pon ins tegnair en salv bain en ina giaglioffa u en in etui ed ellas sumeglian plitost in relevatur ch'ina cigaretta.

Il liquid ch'ellas cuntengnan – ina maschaida da plirs gusts d'aromas da fritgs – sa drizza spezialmain ad in public giuven e cuntegna per part er nicotin, meglier ditg nicotin sintetic (sals da nicotin).

En la contribuziun di dr. med. Marco Pons, medi spezialist per malsognas dal lom al Ente Ospedaliero Cantonale (EOC), il suandant:

«I para da dar in augment en connex cun il consum dad e-cigarettas. Nus essan alarmads, perquai che questas cigarettas n'èn BETG senza privel. Igl existan 400 genres dad e-cigarettas che cuntengnan 7000 substanzas e nus na savain betg exactamain, tge che quests vapes cuntengnan. Els pon esser privlus per plirs motivs. En ils Stadis Unids da l'America datti cas da giuvenils che han seriusas difficultads da respirar, e nus avain vis che las pazientas ed ils pazients da COVID che fiman e-cigarettas, han pli grevs decurs da la malsogna. Nus n'enconuschain anc betg la ristga d'ina carcinogenesa, q.v.d. sche questas cigarettas pon esser la causa per la furmaziun da tumors. Quai che nus savain è, ch'igl exista il privel da daventar dependent, cunzunt en il cas dad e-cigarettas che cuntengnan nicotin.»

Sa sviluppa è er in viv commerzi, perquai che scolars pli vegls empostan ils vapes en l'internet e fan in pitschen gudogn cun als vender a scolars pli giuven.

Sin basa da dals explicaziuns qua survart tschentant las sutsegnadras ed ils sutsegnaders las suandantas dumondas a la Regenza:

1. Datti statisticas che mussan l'existenza respectivamain la derasaziun da quest fenomen en noss chantun?
2. Èn planisadas campagnas d'infurmaziun?
3. Sche betg, è er la Regenza da l'avis, ch'ils geniturs dals scolars duessan vegnir infurmads davart quest fenomen, eventualmain tras las direzziuns da las scolas?
4. Èn gia vegnidas fatgas ponderaziuns da reglar il consum dad e-cigarettas en locals interns e la vendita da talas sin il stgalim da la lescha?
5. Vegn quai a capitar anc avant l'entrada en vigur da la nova Lescha davart ils products da tubac, che vegn probablamain ad ir en vigur l'onn 2024?

Cuira, ils 19 d'october 2022

Furger, Rettich, Censi, Atanes, Bardill, Baselgia, Beeli, Bergamin, Berther, Bettinaglio, Biert, Binkert, Bischof, Brunold, Cahenzli-Philipp (Vaz Sut), Cortesi, Cramer, Danuser (Cazas), Della Cà, Derungs, Dietrich, Epp, Gansner, Gredig, Heini, Hoch, Hohl, Jochum, Kaiser, Kohler, Loepfe, Mani, Mazzetta, Menghini-Inauen, Messmer-Blumer, Nicolay, Oesch, Preisig, Rageth, Righetti, Rusch Nigg, Schneider, Spagnolatti, Stiffler, Ulber, Widmer, Wieland, Zanetti (Landquart), Zanetti (Sent)